

Homologiæ nostræ editione cognitum aut compertum habemus. Levi tamen coniectura propemodum suspicamur cum typis secundis, καὶ δευτέρως ἄμω φροντίδας alicubi admotas esse : atque inde fortasse sumtam illam tam opportunam de una et individua sanctissimæ Trinitatis essentia, Parte prima, Quæstione LXX, pag. 90, ad oram libri Sparwenfeldiani adiectam emendationem. Nisi quod vir illè nobilissimus et longinquis diuturnisque per magnam orbis terrarum partem obitis itineribus, rerumque ac linguarum plurimarum usu atque cognitione clarissimus, initio sui libri (il s'agit d'un exemplaire de l'édition princeps de la *Confession orthodoxe*), Licudiis fratribus acceptam referre videtur. Ecce verba : *Quæ pagina 90, inquit, in margine notata et passim correctæ sunt, adscripta sunt a reverendis patribus Græcis, Ioannikio et Sophronio Licudi ex Kephalaria, cum quibus Moskwæ familiaritas mihi magna erat, per integros tres annos, 1684, 1685, 1686, requisitis ut hoc scriptum in maiorem meam confirmationem de rebus græcis reviderent, et quæ ab iis improbarentur, notarent : ut postea sine mendis esset Catechismus hic orientalis ecclesiæ græcæ et slaweno-russicæ.* Atque iterum in illa ipsa schedula qua, rogatu ipsius, notam illam marginalem descripseram verbisque latinis expresseram, suapte manu idem amicus noster subiecit : *Hæc in margine adscripta tanquam necessaria et essentialia a RR. PP. Gioannichio et Sophronio Licudi, fratribus germanis Græcis, ex insula Kephalaria, monachis ord. S. Basilii magni, Moskwæ, qui Paduæ 16 annis studuere.* A quo etiam audire me memini Licudios istos non infrequentem ludum literarium Moskwæ aperuisse, magnoque studio et ardore, magno ingenuorum adolescentium profectu, græcas illic literas adhuc quotidie docere : cuius rei καθάπερ εἰ γεῦμά τι καὶ δεῦγμα Homiliam græcam εἰς τὴν κατὰ σάρκα γέννησιν τοῦ κυρίου ἡμῶν Ἰησοῦ Χριστοῦ coram hodiernis Rosæ principibus habitam, non contemnendam sane aut inconditam, mihi donabat.

Sur les frères JOANNIKIOS et SOPHRONIOS LICHODIS, on consultera avec fruit une excellente étude d'Alexandre Lascaris publiée dans

